

**Najib Ucap Selamat Hari Bapa
Bernama
16 Jun, 2013**

KUALA LUMPUR, 16 Jun (Bernama) -- Datuk Seri Najib Tun Razak mengucapkan Selamat Hari Bapa kepada semua bapa di Malaysia yang telah bekerja keras dan menyatakan kesyukurannya atas segala pengorbanan mereka.

Perdana Menteri berkata tindakan para bapa mengorbankan masa, wang, dan tenaga dapat membimbing mereka yang pada satu hari nanti akan membesar sebagai penentu masa depan Malaysia.

"Teruskan menjadi sumber kekuatan dan inspirasi kepada anak-anak anda.

"Teruskan menjadi obor panduan harapan tempat bergantung anak-anak anda. Negara ini mengharap anda," tulis beliau dalam pos di Facebooknya.

Hari Bapa ialah perayaan menghormati kaum bapa dan ikatan kebapaan serta pengaruh mereka dalam masyarakat.

Di Malaysia, Hari Bapa berlaku pada Ahad ketiga bulan Jun yang jatuh pada hari ini.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=956456>